

欽定石渠寶笈三編

欽定石渠寶笈三編

咸福宮藏

本朝臣工書畫

戴臨書

建福宮箴賦頌

六冊

戴臨書

建福宮箴賦頌六冊

〔本幅〕紙本摺裝六冊一冊五幅二三冊俱七幅四冊十一幅五冊八幅六冊九幅皆縱九寸橫九寸六分楷書

建福宮箴臣鄂爾泰

皇建有極萬福攸同取象大壯聿作

新宮工匪雕鏤飾匪金玉不日成之名曰

建福有軒有閣。有亭有齋。蕩蕩者門。平平者階。  
近接

紫垣舊開朱邸

龍躍而飛。四表光被。

皇居肅穆。星拱北辰。

皇極敷言。洪範是陳。德乃福基。福惟善慶。歛之錫之。

大中至正。五行維序。五事維修。拱辰有要。恭  
從哲謀。農用八政。協用五紀。三德乂民。風淳

俗美迺念稽疑。迺明庶徵。嚮用威用。以勸以懲。疇序為九道本於一。建福維

皇。基命宥密。無偏無黨。曰會曰歸。無荒無怠。兢業萬幾。靜斯存存。敬斯翼翼。維

天監觀。小心盛德。煦以春景。暢以和風。阜財解愠。乃慶。邇隆大哉。

皇言是彛。是訓建福。凝祥同符。廣運曰若。稽古堯仁如天。簡冊所垂。茆茨采椽。亦越大禹。卑宮明

德峻宇雕牆。戒並聲色。文歌靈臺。武誥梓材。  
祚延八百。顯哉承哉。自昔言治。取喻作室。不  
惟其華。而惟其質。揆日度地。法度有宜。規矩  
準繩。勿側勿欹。選材惟良。築基惟固。惟樸惟  
堅。勿頽勿蠹。垣牆惟直。戶牖惟明。明迺勿蔽。  
直迺勿傾。可節寒暑。可禦風雨。杜漸防微。烏  
鼠必去。攸躋攸寧。雅咏斯千。度筵度几。式準  
周官。棟則惟隆。瓦自不漏。奕世綿綿。光我堂

構

新宮之作傳億萬年堯禹文武輝映後先

天文煌煌心契元宰不下堂階而周四海四海之福  
建於我

皇我

皇之福建於無疆無疆之休日慎一日左圖右書  
風無逸諸福畢集集於

皇心老臣稽首敢告司箴

冊第一

建福宮賦臣張廷玉惟

皇建極福被蒼生。纘璇圖而克紹。際寰海之永清。旰  
食宵衣。勒箴銘於戶牖。誠民阜物。安耕鑿於  
編氓。值

萬幾之稍暇。偶延爽於方瀛。居正維虔。匪為優游之  
地。建中時凜。彌殷敷錫之情。爰新祕殿。署以  
嘉名。夫其鼙鼓無聞。經營早就。遵閣道以逶  
迤。度天街而延袤。藻井霞蒸。虛欄雲構。雕甍



並峙瞻鳥革而輦飛。繡拱交紫。咏竹苞兮松  
茂。霏霏之夕霧。侵簾煜煜之朝暉。承霽志惟  
崇儉。何煩刻鏤之華。義在葆和。用息炎蒸之  
候。爾乃瓊窗對啟。玉城平鋪。長廊窈窕。曲檻  
縈迂。抗杏梁與桂棟。交斜桷與層櫺。飛樓蔚  
而特起。修架宛其相扶。瑞露凝墨香之沼。祥

烟飄

輦過之衢。

紺殿初成正叶斯干之頌銀屏乍展高張無逸  
之圖而更洞壑玲瓏岡巒起伏被以芳夷樹  
之珍木玉盃金帶紅翻芍藥之闌高節虚心  
綠映篋簪之谷風亭水榭知宜雨兮宜晴溫  
室涼軒驗時寒兮時燠吾

皇於是念堂構凜淵冰嚴明旦慎寢興勅幾康於宥  
密塵夙夜之祇承博覽圖書階度惜陰之日  
親裁機務窗明待旦之燈不出戶庭而心周

區夏時披章奏而念注凝丞延春閣開願普  
春和於四序惠風亭啟期邀惠澤於三登惟  
靜故虛莫測

淵衷之浩浩雖休勿逸共欽

睿慮之兢兢要棲神於道德用介福於升恒若乃天  
朗氣清風甜日美承色笑於

慈寧奉

金輿而至止循碧楯以徘徊度赤墀而迤邐攬嘉卉

於芝田。玩游鯨於蘭沚。玉簡進長生之祝。永  
享康寧。瓊漿斟益壽之杯。彌隆燕喜。乃知  
一人受祉。六合懷仁。仰樞垣之幹運。統品彙而陶鈞。  
協氣旁敷。致時和而歲稔。休風遠播。臻俗茂  
而民淳。知起化之有自。識

命名之所因。銀榜輝煌。恍若星辰之麗璇題。璀璨依  
然。疇範之陳。永固丕基。卜凝禧於奕禩。長徵  
瑞應。欣錫福於羣倫。臣謹拜手稽首而獻頌。

曰翼翼

宸居萬方是則王道平平無反無側歛福

皇躬敷於四國衆星共辰羣黎徧德節屋節簷咸安

作息億萬斯年會極歸極

冊第二

建福宮賦臣徐本

天子經綸六宇覆博九州紹基先烈肯構前猷占考

祥於元吉宏敷錫於箕疇將被九有之休嘉

涵濡洋溢先仰

一人之介祉。伴與優游。於是居高以臨宅中。圖大我  
我殿陞環。

紫極於中央。翼翼堂皇。峙青陽於右个。遂使芬楣迴  
帶。接附彤庭。因之升幹。紫紆近聯。丹璫瞻錫  
福於辰宮。爰建中為

黼座。爾其陽榮豁達。禁楸宏開。峻九階於閭闔。耀五  
色於蓬萊。遠望瑤墀之縹緲。遙臨絳闕以崔  
巍。日照銅龍。納景則光分六扇。霞標朱鳥。凌

虛而翼拱三台。然而勿務侈華。非勤土木。茅  
茨不翦。比棟牖於松雲。綺麗何施。屏楹璫之  
金玉。蓋持盈保泰之意。時切。

丹宸而澄懷導性之區。心非黃屋。由是因地呈材。反  
雕為樸。顯敞而杳窳者。為軒。為齋。特峙而高  
騫者。為亭。為閣。或靜以觀萬象之通。或敬以  
作一心之肅。或布惠以宏長養之風。或延春  
以廣陽和之育。揮。

睿藻而炳若三辰○恤民依而歛時五福○懿茲  
肇錫之嘉名○仰見

淵衷之攸託○又況地鄰祕殿○制等燕朝○

皇居相接○

慈幄匪遙○啓彤幃而四時備養○趨紫闥而六膳親調○

聆

文母之徽音○常依月馭○瞻姜嫄之懿範○不隔雲翹而  
且萬幾罔斁○三接惟誠○前席而問蒼生○遠超



宣室正襟而親墳典近婉延英是豈徒侈夫  
東都西都之鉅麗而實不異於靈臺靈沼之  
經營也蓋由

主德清明

宸衷惕厲非踵事而增華祈降康而錫祉豈無嘉植  
跼萼駢枝亦有文禽引吭接羽雲窗綺戶之  
縈環月榭風廊之迤邐莫不覩飛躍之天機  
驗盈虛之至理思百昌兮咸若益懋脩兮無

已蓋一動一靜亦保亦臨時凜納隍之戒允  
懷大寶之箴寅畏嚴恭而所其無逸起居出  
入而罔有不欽當

法宮之肅穆測

睿慮之淵深將俾仁壽之登徧於遐邇寧止吉康之  
迪豫乃身心維茲宮之締造實足以超古而  
越今也哉謹再拜稽首而賡歌曰惟

皇建極恢廓紘綱宅丕丕基固於苞桑惟

皇錫福端拱垂裳蕩平正直以綏萬方

帝省其宅保定孔長二儀和會應乎天閣乾端坤倪

闔陰闢陽運以樞紐罔敢怠荒殖殖其庭奕

奕其光於萬斯年福履無疆

第三冊

建福宮頌

有序臣

劉統勲

聖天子握乾符乘泰運御極以來

恩覃九有百度惟貞六府三事允治四表八埏同歸

茂育乃作

新宮於

重華宮之右

命以名曰建福臣謹按洪範云皇建其有極欽時五

福用敷錫厥庶民言人君懋昭大德以立人  
極德為福基福為德應凡厥庶民莫不嚮用  
也載考古昔言福者莫備於詩曰豈弟君子  
求福不回曰昭事上帝聿懷多福嘉樂之篇  
美君子之令德爰保佑以申命而後繼之曰

千祿百福異文同意明受福之有由也王者  
帡幪萬類覆冒羣生宮室之營義取大壯原  
為凝釐受福之地顧或奢靡無度窮極人力  
其命名也祇以道土木之華游觀之樂揆諸  
古訓於自求多福之旨鮮有當焉臣緣文考  
義仰窺

宸衷蓋謂惟

天降福於天子惟天子錫福於下民皇建有極實握

其樞予一人宅是宮也問安視膳上以承

母后之歡深居燕閒齋心對越至於省我庶政諮詢

圖度必協於極而後即安庶幾出入起居罔  
有不欽發號施令罔有不臧百工允釐兆人  
用康抑且軒曰靜怡密性功也齋曰敬勝傳  
心法也亭曰惠風溥仁恩以廣被也閣曰延  
春思煦育之無方也厥修日懋治理日光受  
茲介福以熾以昌建福之義其謂是歟新宮

既成嘉名既錫

皇帝乃抒睿藻賦其事以詔羣工天章煥發玉振金聲臣伏考雅頌所歌如靈臺靈沼錫京辟雍諸篇固已鏗訇炳耀用輝簡冊仰惟

聖製同符雅頌度越古今是宜冶金伐石垂示無極使建福之義萬世為昭與茲新宮並貞恒於奕祀夫頌者誦也又容也美盛德之形容珥筆之臣職司所繫不敢以不文辭爰拜手稽

首獻頌十章章十二句頌曰惟皇建極惟辟  
作福居高臨下包含徧覆

聖人首出膺圖受籙宅中御外純禧是篤就日瞻雲  
萬方遐矚紫宮煌煌

天子穆穆

穆穆以臨端拱垂裳嚮明而治用儆怠荒堯階舜門  
既有典常

新宮之作實循舊章瞻彼松雲言念羹牆命名



建福彞訓斯彰。爰有層軒制擬。茆茨匪雕。  
匪繪。樸斲是資。主靜立極。典學在茲。淵衷默  
運。一日萬幾。精研道妙。諧暢天機。用標斯旨。  
式號靜怡。古聖相傳。傳心惟敬。無逸作所。  
單心基命。惟我

皇王。聖不自聖。安安厥止。猶恐怠勝。齋居被濯。無忘  
執競。敬之敬之。丹書誌慶。德之流行。無遠  
弗届。不疾而速。淪浹宇內。厥象為風。下民是

賴德以基惠其惠乃大新亭奕奕薰風鵲謁  
惠我無疆湛恩汪濊

乘時御宇克寬克仁體元出治與物為春撫綏方夏  
怙冒羣倫太和洋溢化被無垠延春之間佇  
集鳳麟澤周海甸氣轉洪鈞載稽五福其  
一曰壽仁者得之無疆悠久

獻壽新宮綏我

丈母降福孔皆如山如阜

大君錫類遐不黃耇同登壽域延及九有 迺揮

宸翰賦此新宮周情孔思義蘊無窮三才萬彙竝入

篇中願言熙皞猗歟淳風對時育物用表深

衷形成象筆有化工 鼎彝既陳圖書載

充古訓是式儉德攸崇爰居爰處肅肅雖雖

用歌燕喜用誨寅恭龍光咫尺慶洽臣工颺

言拜手萬福來同 萬福之集中命自

天我

后受之敷錫元元彤庭宵旰部屋歡顏履信思順第  
祿如川苞桑永固磐石孔安以介景福於萬

斯年

冊第四

建福宮箴

有序臣

汪由敦

聖天子寅紹丕基無逸作所崇夏后卑宮之德惜漢  
文露臺之費宮室苑籞悉仍舊貫弗事增飾  
潛邱所御厥名華其西有隙地焉紫禁邃清宮牆  
窈窕樂是爽塏新宮載營清暑宜夏迎暄宜

冬或疏或臬秋月春風嘉卉旖旎珍木扶疎  
對時育物

宸襟以愉擊錫嘉名顏曰建福

親御寶翰敷陳為賦義蘊宏遠益以知

聖意之所存焉臣竊鋪觀六籍言福莫著於詩書在

詩天保曰俾爾單厚俾爾多益說之者謂文  
武不自厚而厚下故為天下所厚不自益而  
益下故為天下所益羣黎百姓徧為爾德則

凝命之基也。在書洪範曰：欽時五福，用敷錫厥庶民。而繼之曰：會其有極，歸其有極，則錫汝保極之應也。故夫視明聽聰，濬哲溫恭，庶明勵翼，業廣功崇，六府孔修，九宇同風，錫羨保祚，垂裕無窮者。

一人之福也。風雨以時，百穀以宜，老安幼長，皞皞熙熙，鋒銷燧澁，犬足生釐者，億兆人之福也。億兆人資

一人之福以為福而

一人實合億兆人之福以為福。上下一體。協氣滂流。  
海隅日出。無一物不得其所。而後社福集焉。  
乾坤儲其祥。社稷蒼生篤其慶。豈曰媚茲一  
人。形於嘉頌云爾哉。是以居廣廈則念茅簷。  
鄙屋之湫隘。安重閨則思祁寒暑雨之怨咨。  
殖殖其庭。輅昏墊則弗敢以寧。潭潭其囷。惕  
崇高則弗敢以狃。克謹天戒。盛德也不揚。

聖緒洪業也。任賢納諫。嘉績也。斟酌道德之淵源。方將歲丹宸以儆心。銘戶牖以顧諟。非徒陳六藝以自娛。更何有於土木之華侈。敬推繹

聖意為箴。以獻曰。疇稱建極。誥曰。建中立表。作則端自

皇衷。福履綏之。匪已則私。作民父母。是曰元后。一息萬年。方寸九有。時若為祥。恒職其咎。嗟嗟赤子。匪



元后曷恃。飢吾哺之。寒噢咻之。有侖而迷。覺之寤之。  
勿忿怒之。彥也庸之。哲也從之。有朴而斲。繹  
思而容之。奉三無私。以建厥德。上下草木鳥  
獸咸若。覃被于四國。福降自天。自我

大君。大君之錫。惠此下民。下民孔懷。百禄攸歸。樂只  
君子。求福不回。故曰受福不于天。于其民。錫  
福不于民。于其身。惟身是康。彼民弗臧。居安  
慮危。則篤其慶奕奕。

新宮萬福來同。顧畏于民。碧昭格。

蒼穹申命。用休體元。居敬侍臣。獻歲敢告宮正。

第五冊

建福宮賦。臣嵇璜。猗中天之景運。仰建極於

維

皇凜法宮之祇敬。乃錫福於萬方。繫

一人之端拱。勅庶事於幾康。奠四海以為宅。宥羣生

以為量。匪寧體於三內。寶儲神於八荒。撫松

軒而問道。臨雲牖而垂裳。曰

聖心之咨倣。即居處以無忘。泰階既平。新宮是建。取  
諸大壯。監於成憲。林衡聚力而材呈。梓匠效  
功而巧獻。層軒聿起。不關太府之籌。鼙鼓初  
鳴。自見千夫之勸。既不日而斯成。非勞民而  
奚怨。將以廓昭曠於離明。用凝精於乾健。尚  
比美於蒿柱之幽清。曾無闕於徽垣之尺寸。  
爾其

神武之前

重華之右。疊翠流丹。鋪金錯繡。嘉樹霏春。奇花  
鬱秀。錦石為屏。文落結綬。昕夕交宜。煥涼應  
候。樸踵前規。傑稱新構。邃宇轟其虹指。氣遠  
炎歊。重門洞以天開。陰移清晝。乃張璇榜。乃  
錫嘉名。顏以  
建福。懸象著明。以叙九疇。承

上天之陰陽。以立三極。示薄海之訓行。森四庫之圖  
書。具旨不踰乎範策。育萬年之堂構。宏規惟

底於蕩平。則有靜怡之軒。凝命體元。左宜右  
有。得意忘言。有感而無。不通靈明為府。無欲  
以觀其妙。道義之門。敬勝之齋。行與時偕。明  
且惟寸陰之惜。聖狂恐一念之差。不見是圖。  
凜下民之朽馭。無逸作所。謚君子之心齋。翼  
然者亭。惠風維馨。想大鈞之噓物。布協氣於  
郊垌。扇六寓兮洪爐。張茲素籥。發千春兮解  
澤。喻彼風霆。延春有閣。太和磅礴。覽物象之

欣欣寫淵衷之落落長人者善合四序而如  
春大德曰生與百昌而成若其稱名也大其  
取義也深爰抒思而挾藻期觸目而警心霞

蔚

天章鳳尾麗七襄之采星輝

宸翰驪珠燦八體之金峻宇雕牆昭揭乎夏后之訓  
茅茨松棟默體乎唐帝之欽何必九成翠微  
娛情適志未央長樂快意舒襟況復地近

慈寧愛日長承

色笑宮同興慶。揮絃好繼賡歌。望崔嵬兮

三殿麗鵲之金波。挹西山兮朝爽。拂遙峯之  
萬螺。適幾暇兮伴渙。調元氣而常和。本大中  
兮密運。昭義路而無頗。用敷言兮錫極。頌降  
福之孔多。於時景麗。軒臺樂同。文園魚安在  
藻之依。鶴應啣珠之奏。溥茂育於熙春。佇嘉  
祥之畢湊。我

皇則猶宵旰靡寧。痼瘵在宥。不侈豫大之觀。仍切治  
安之究。蓋

聖人不以

皇居之壯麗宅躬。而以天宇之泰定宅心。不以

丹闕九重。為一身之安。而以廣廈萬間。為天下  
之覆。人誇受福之皆。

帝惟敬德之懋。此樹義之宏深。而命名之歸宿。豈徒  
曰壯不及奢。儉不至陋而已哉。乃拜手稽首。



而獻頌曰穆穆景命兮

昊天基之我

皇秉德兮光明緝熙建其有極兮致治無為宅中而  
居兮迺衡受釐歛時用錫兮敷於蒸黎保定  
孔固兮

新宮祁祁昭儉式度兮敬惟顯思光我

帝國兮宴我嘉師四方來賀兮六服永綏純嘏爾常

兮億載若斯

冊第六

各冊末幅款乾隆九年甲

子春正月。臣戴臨奉

勅敬書

鑑藏寶璽

五璽

寶笈三編

欽定石渠寶笈三編

重華宮藏

高宗純皇帝御筆

臨倪瓚秋山嘉樹圖

甲子軸

十全記

壬子冊

列朝名人書畫

宋劉松年烹茶圖

一卷

宋牟益茅舍閒吟圖

一卷

明文徵明寒林鍾馗

一軸

摹刻法帖

成親王詒晉齋石刻

四冊

劉墉清愛堂石刻

四冊

高宗純皇帝御臨倪瓚秋山嘉樹圖 一軸

本幅紙本縱二尺六寸八分橫一尺二寸五分

御筆墨畫臨倪瓚秋山嘉樹圖

玉池

御題行書

四柱虛亭向遠開。秋山如洗淨無埃。不添畧約平湖面。為恐遊人杖策來。疏林亂葉莽秋煙。信是

壺中別有天。若比桃源贏一著。不曾洞口引漁船。

秋水澄泓天沍寥。榛煙楓籟韻山椒。亭中常住

無心客。大隱還。說市朝。湖山四季秋偏好。我

亦秋風瀟灑人。忽學老。筆。却嫌全未悟根

塵。雲林生天。秀逸。筆意淡古。每以少許勝人

多許。禁中舊。嘉樹小幘。偶一臨仿。緬懷清

閔。閣中人。發小山桂樹之思。乾隆甲子夏御製。並

題。鈴寶三。八眼秋光盡是詩。乾隆宸翰。攜筆流雲

藻

軸內分鈐

寶璽煙雲舒卷箇中自有玉壺冰

古希天子壽八徵耄念之寶

重一

五福五代堂古稀天子寶

太上皇帝之寶

鑒藏寶爾璽寶笈三編石渠寶笈所藏

高宗純皇帝御筆十全記 一冊

本幅紙本二十六對幅皆縱一尺一寸橫六寸九分

御筆行楷書十全記

文見續編並識

乾隆壬子季秋之月下漸御筆書成鉤刻於重

華宮漱芳齋之壁以原本裝成此冊小注凡二千一百餘言壁間尺度不能容故未書御製文集中具載可考也并識鈴寶二八徵耄念之寶自彊不



息。

冊內分鈐

寶璽

五福五代堂古稀天子寶。八徵耄念之寶。重華宮寶。  
太上皇帝之寶。

鑒藏寶璽寶笈三編。石渠寶笈所藏。

宋劉松年烹茶圖一卷

本幅絹本。縱八寸五分。橫一尺八寸五分。設色畫山石瘦削。有槐松生石罅。枝幹權奇。擁腫上覆茆屋。屋中盧仝擁書坐。赤脚婢治茶具。長鬚奴肩壺盧汲泉。無款印。

引首

高宗純皇帝御題行書。

昔詠牟家茅舍圖。謂當構出已新殊。誰知全儗暗。

門子證有曾收臬副盧

見卷後唐寅跋語

自是一時無匹

者底須七椀始狂乎已教兩識玉川面

此近得松年

邱壑仿佛曾見因檢取年益茅舍閒吟圖卷相較則人物屋宇樹石位置並同考其時世劉在前而

年在後自係年益得松年葉本仿為之然兩卷畫成時俱未自標圖名劉卷賴有唐寅跋為玉川子

烹茶圖得存其真年卷則收藏家未加考訂率題為茅舍閒吟圖題跋者亦遂相沿而誤余前此著

句祇就原標之名今始較得兩卷同異原委因各題一詩識之且以兩圖同弄一篋使彼此得相印

證為藝苑佳話信矣語云德不孤丁酉新正月中瀚用

題年益茅舍閒吟圖韻題句御筆鈐寶二所寶惟

賢乾隆御筆

後幅題跋

右玉川子烹茶圖。乃宋劉松年作。玉川子豪宕放逸。傲睨一世。甘心數間之破屋。而獨變怪鬼神於詩。觀其茶歌一章。其平生宿抱憂世超物之志。洞然於幾語之間。讀之者可想見其人矣。松年復繪為圖。其亦景行高風。而將以自企也。夫玉川子之向洛陽人不知也。

寶璽

獨昌黎知之。去昌黎數百年知者復寒矣。而松年溫之。亦不可不為之遭也。予觀是圖於石湖盧臬副第。喜其敗鑪故鼎。添火候鳴之狀。宛然在目。非松年其能握筆乎。書此以俟具法眼者。唐寅鈴印。唐子畏。

卷內分鈴

太上皇帝之寶。重華宮寶。乾隆御覽之寶。八徵耄念。

之寶。乾隆鑒賞。

古希天子用筆在心。研露叢雲。涵虛朗鑒。

鑒藏寶璽

全五璽

寶笈三編

收傳印記道純欣賞重沈氏收藏

謹案詹景鳳東園元覽載范司理龍石藏絹畫劉松年盧仝烹茶圖一卷有元人跋十餘家。又朱存理鐵網珊瑚載劉松年盧仝烹茶圖。有都穆跋及趙郡李復。剡河楊彝臨川趙果會稽胡維仁四明山人烏斯道諸人詩是卷均無之。按都穆跋語稱松年圖此破屋數間。一婢赤脚舉扇向火。竹爐之湯未熟而長鬚之奴復負大瓢出汲。玉川子方倚案而坐。

側耳松風以俟七椀之入口所狀景色證之  
此卷無不脗合且係絹本其即為唐景鳳朱  
存理所見無疑觀鐵網珊瑚所載跋已少於  
東圖元覽過半蓋屢經裝池為庸工割去遂  
至無存耳

宋年益茅舍閒吟圖一卷

本幅絹本。縱七寸七分。橫一尺七寸五分。設色畫人物屋宇樹石。全摹劉松年烹茶圖。惟易赤脚婢為童子款。年益無印。

高宗純皇帝御題行書

擣衣曾弄白描圖。設色今看結撰殊。幽客罷茶味  
編簡。僕人沽酒負壺盧。一椽足慰棲遲耳。五斗寧  
耽仕祿乎。試問閒吟趣何託。日新惟德肯名孤。甲



午新秋上澣御題鈴寶二。幾暇怡情得佳趣。

引首

御題行書

復得烹茶劉氏圖。重看此卷格非殊。年益此卷題已三年矣。近

復得劉松年烹茶圖。閱其邱壑位置。憶與此卷相似。因以兩圖比較。則畫法正同。蓋年得劉藁本。仿為之。而劉卷賴有唐寅跋語。目為烹茶圖。證以昌黎玉川子詩。志相印合。而年卷則由收藏家妄標以茅舍閒吟之名。遂致沿謬。今既為辨訂。因復題此。什以識。並於劉卷題句。仍當合弄之以記同異。

閒吟乃識匪徒白。月白居易詩。每逢豪酌方知特寫。

盧赤脚長鬚無悶矣。敗壚破屋足娛乎。因思事屬  
可傳者。必有偶焉。定不孤。丁酉新正月中。潞用甲  
午舊作韻。再題。御筆。鈐寶二。所寶惟賢。乾隆御筆。

後幅題跋

白石坡前雲水寬。眼明疑在鑑湖看。入城沽  
酒此亭飲。與客抱琴何處彈。日晏林鳥投遠  
樹。雨晴溪鳥浴清澗。十年塵土吾將老。擬借  
滄洲把釣竿。廣陵成廷珪。鈐印三。成廷珪印。

成元章氏居竹軒。湖上新亭戶牖開。湖邊  
一徑滿蒼苔。文人巾履黃緣入。童子琴尊次  
第來。怪石長松深有屋。浴鳬飛鷺淨無埃。蕭  
蕭風物皆吟景。為問清秋到幾回。薊邱李繹  
鈴印二。薊邱李繹叔成隴西世家。卜宅無  
隣傍翠微。樹頭喧噪亂雅飛。湖波萬頃光浮  
玉。山色一窗青染衣。自古雲林心獨遠。常年  
車馬客來稀。市朝清賞多名畫。拭目爭看不

悟機魯國張醇。鈐印二。魯張醇氏原齡。良  
工會得幽人意。畫到滄洲趣更深。近水開亭  
分野色。拂雲高樹護嵐陰。石橋月白長攜酒。  
竹徑風清獨抱琴。解使市朝車馬客。總題新  
句慕山林。中文鈐印一。朱彬中文書印。游  
宦區區厭世譁。忽於此地見山家。了無車馬  
驚門戶。自在琴尊度歲華。山下湖光連浦溆。  
屋頭林影帶煙霞。主人肯我為隣友。擬結衡

茅近水涯。金鄉劉持中。鈐印一。劉遵道氏。  
曩華秋官過予。觀牟德新茅舍閒吟圖。愛玩  
不忍去手。因出漢玉棋壁宋拓稊帖易去。復  
加裝潢成卷。幾如隨珠和璧之珍。去今三十  
年而遙。不知卷已易主。閱間不無今昔之感。  
因為識之。時萬曆壬午五月六日。長洲張鳳  
翼鈐印一。張伯起發少侍先太史過雲槎。  
張先生。先生今伯起尊人也。好文而俠其行。

誼奇卓。與顧玉山相類。故以布素獲交當世  
鉅人長者。又多蓄古彝器。法筆名染。度架琅  
函。薤軸間。不啻書畫舫也。記其出以索鑑於  
太史。中有牟德新茅舍閒吟圖。為太史所獨  
賞。當其時。發尚幼騃無識。未諦翫也。今此弓  
忽復得見。見及元人諸跋。若真見楚大夫於  
章華之臺。不單侶人之喜而已。故特為識此。  
萬曆庚子孟秋十日。清颿居士文元發書時。

年七十有二。鈐印二。元發茂松清泉臣所須也。牟德新此圖。余往歲曾覩於張伯起先生家。繼為無錫華秋官劍先閣中物矣。華見牟蹟。不勝欣賞。遂易此卷。成李張劉諸君詩。並奇絕不羣。足稱珍美。華氏最為好事。所藏古今名蹟。不減尚方。秋官易世之後。一時散軼畧盡。而此圖此題。流落人世間。衰齡老眼。幸獲展閱。回思德新之畫。元人之咏。如朱襄。

陽所云煥若神明復還舊觀豈不大愉快哉  
庚子七月廿又三日。栢欄館秋霽書。太原王  
稭登鈴印一登。

卷內分鈴

寶璽

太上皇帝之寶。重華宮寶。乾隆御覽之寶。八徵耄念  
之寶。乾隆鑑賞。

古希天子。妙意寫清快。朝日輝。



鑒藏寶璽

全五璽

寶笈三編

收傳印記朱輝家藏筆硯精良印華氏珍玩

一重

謹案成廷珪字原常一字元章號居竹博學  
工書見興化縣志李輝字叔成錢唐人仕張  
氏以詞翰名家考見續編朱彬字仲文盱江  
人登進士第見元詩姓名考劉持中字遵道  
歷官湖廣省郎中見居竹軒集張鳳翼字伯  
起長洲人嘉靖甲子舉人父冲賈而俠有聞  
於時即跋中稱雲槎先生是也文元發字子  
忭彭子震孟父由貢生官浦江知縣歷衡輝  
同知所至有異政既卒鄉人私謚端靖俱見  
蘇州府志

明文徵明寒林鍾馗 一軸

本幅紙本縱二尺一寸五分橫一尺三寸二分  
水墨畫雲林泉石鍾馗立石上自題寒林  
鍾馗甲午除夕戲作鈐印四文徵明印悟言  
室印徵明印徵仲

玉池

高宗純皇帝御題行書

假借終葵遂有稱訛傳進士辟邪能衡翁自負博

古者北史何緣未讀曾。疑是地仙抑鬼仙。寒林  
漠漠立輕煙。長髯袖手如微笑。幻閱人間二百年。  
乾隆甲午除夕。御題鈐寶二。得象外意。乾隆宸翰。

軸內分鈐

寶爾。乾隆御覽之寶。乾隆鑑賞壽。八徵耄念之寶。  
古希天子。

太上皇帝寶。

鑒藏寶璽

全五璽

寶笈三編

成親王詒晉齋石刻 四冊

本幅墨搨本。摺裝四冊。墨搨詒晉齋書。并分  
標卷目。第一冊八幅。皆縱一尺八分。橫一尺  
三寸。同各冊楷書行書五十三行。第二冊九幅  
草行楷書八十五行。第三冊十幅。行書一百  
十二行。第四冊八幅。行書三十七行。各冊末  
幅。鐫嘉慶九年歲次甲子八月奉

聖旨摹勒上石。

首冊前副葉鐫錄

諭旨。

嘉慶九年八月初八日內閣奉

上諭朕兄成親王自幼精專書法深得古人用筆之意博涉諸家兼工各體數十年來臨池無間近日朝臣文士之工書者罕出其右早應摹勒貞珉俾廣流傳而王撫謙自矢不肯遽付鈎鐫昨特命軍機大臣傳旨諭令將平日所書各種

自行選擇刻石。始據王具摺陳謝遵旨於回京  
後覓工摹刻。著照所請。以詒晉齋名。顏其卷帙。  
王即繕朕此旨。勒冠簡端。以當製序。本日王所  
奏之摺。亦著另書一通。附刊於後。以誌一時翰  
墨欣賞之盛。欽此。臣永理敬書。

末冊後副葉奏摺

臣永理謹

奏為恭謝

天恩事。本月初七日。軍機大臣傳

旨。令臣將平日所寫字蹟。自行選擇刻石。臣聞

命之下。感激歡忭。竊念六書之末。豈比六事之涓

埃。何期一藝之微。猶蒙

一人之眷注。臣扈

駕回京後。即遵

旨辦理。覓工摹刻。約計明春恭呈

御覽。再臣有書齋號為詒晉。曾見於

恩賜

御製詩中刻成即以為卷名併此

奏

聞所有臣感忭下忱理合具摺恭謝

天恩謹

奏  
嘉慶九年八月初八日

鑒藏寶璽

全五璽

寶笈三編



劉墉清愛堂石刻

四冊

本幅墨搨本摺裝四冊。劉墉各種書石刻。隸書分標清愛堂石刻卷數第一冊十五幅。真書大學并款一百三十八行。第二冊十五幅。真書頭陀寺碑與會稽王牋赤壁賦并款一百六十八行。第三冊十六幅。真書沈香山子賦臨蘇軾洞庭春色中山松醪二賦并款九十九行。第四冊十五幅。臨鍾繇王羲之獻之

懷琳蘇軾及各跋語董其昌倣宋四大家書  
自題蘇軾黃庭堅米芾蔡襄董其昌詩并款  
一百二十五行皆縱九寸一分橫八寸七分  
各冊末幅鐫真書嘉慶十年冬十月戶部右  
侍郎臣劉鐸之奉

聖旨摹勒上石

鑑藏寶璽

全五璽

寶笈三編

欽定石渠寶笈三編

漱芳齋藏

高宗純皇帝御筆

臨王羲之十二帖

庚午一冊

四友圖

甲午一冊

皇上御筆

書左傳趙簡子與子太叔辨禮儀

庚申一冊

慎刑論

戊辰一冊

本朝臣工書畫

黃鉞書臣工恭和

御製嘉平月朔重華宮開筆述志元韻詩一卷

曹夔音法諸家山水一冊

楊大章仿趙幹江行初雪圖一軸

雙鉤蘭亭叙一冊

高宗純皇帝御臨王羲之十二帖 一冊

本幅金粟牋本。摺裝八幅。皆縱三寸八分。橫四寸五分。

御筆草書。臨王羲之知念謝生時事。參朝前從洛寒

切皇象。遠婦君晚嘉興尚停長平。十二帖。帖大

不並識錄

庚午嘉平月既望。臨右軍帖。御筆。鈐寶三。乾隆宸翰。幾暇臨池。妙意寓清快。

鑒藏寶璽寶笈三編石渠寶笈所藏

高宗純皇帝御筆四友圖

一冊

本幅高麗箋本。摺裝四幅。皆縱五寸。橫四寸。  
一分。

御筆墨畫松竹梅蘭並題

貞翁。幅一。介子。幅二。高士。幅三。幽人。甲午上元前一日。涉

筆。幅四。

冊內分鈐

寶爾。幾暇怡情。愛竹學心虛。萬有同春。得佳趣。乾隆

宸翰衆花勝處松千尺。得象外意。心清聞妙香。垂露。

五福五代堂古稀天子寶。八徵耄念之寶。

鑑藏寶璽寶。笈三編。石渠寶笈所藏。



御書左傳趙簡子與子太叔辨禮儀 一冊

本幅紙本。摺裝八幅。皆縱四寸三分。橫八寸

五分。

御筆楷書。子太叔見趙簡子全篇。傳文並識

不錄

嘉慶庚申仲秋上澣。延春閣御筆。鈐寶二。嘉慶

朱珪恭跋。

臣聞民受天地之中以生。是以有動作禮義  
威儀之節。以定命也。先王緣人情而制禮。因

人性而作儀。禮有大有小。有顯有微。大者不可損。小者不可益。顯者不可揜。微者不可大也。故經禮三百。曲禮三千。其致一也。苟無忠信之人。則禮不虛道。易言嘉會合禮。書陳天秩天敘。詩歌鹿鳴魚麗。春秋述臧孫晏嬰叔向北宮佗鄭子產游吉之論。而折衷於孔子。孔子之言。精之至於五至三無四勿。大之至於官天地育萬物。損益四代。經緯萬端。皆是。

物也。乃以仁為體，以義為質，以儉為本，以忠為主，以敬為先。故曰三德九經，所以行之者一也。我

朝

祖述憲章。察人倫而貞軌物。  
欽定三禮

頒在學宮。我

皇上純孝格

天。成民致神。

文德修而

武功奮。所謂達禮樂之原而建中和之極者也。

執經之心尤精左氏。

幾暇好學。

親書趙簡子與子太叔辨禮儀一篇於冊。

命臣珪跋之。臣何足以知禮。抑中庸言禮待人而後行。敦厚以崇禮。而本之於至誠無息。其在。

斯予臣朱珪恭跋鈴印二臣珪

鑒藏寶爾寶笈三編石渠寶笈所藏

御筆慎刑論 一冊

本幅紙本。摺裝六幅。皆縱八寸八分。橫九寸六分。

御筆楷書慎刑論

前已恭載

嘉慶戊辰季秋月中澣御筆。鈐寶二。嘉慶御筆之寶。惟精惟一。

鑑藏寶璽寶笈三編。石渠寶笈所藏。嘉慶御筆之寶。茂對時育萬物。

黃鉞書臣工恭和

御製嘉平月朔重華宮開筆述志元韻詩一卷

本幅灑金牋本縱九寸九分橫三尺八分楷  
書恭和

御製嘉平月朔重華宮開筆述志元韻 吉月祥

開

揮寶翰

繼繩敷錫典維嘉香凝紺宇迴

仙仗

藻捧紅雲麗歲華。高以下基歸有極。

福因

德致頌無涯。

一人首荷

天禧集。普逮寰瀛。部屋家。臣董誥 自

天敷錫。臣民福。演五書。疇節序嘉。

揮孺龍賓雲糾縵。卷舒鳳藻。



日光華。昀田播穫。皆如願。籌海淵深。詎測涯。椽筆  
紹

庭宜朔吉。無疆仰潤。

玉皇家。臣朱珪。嘉慶七年春。醞釀嘉平朔日氣。  
祥嘉。三重佛閣迴。

仙仗。五色雲光耀墨華。

書就禹疇箕範字。

頌同香水大瀛涯。蒼生

錫福承

先志。四海為家萬世家。臣彭元瑞。吉月。

摘毫循例典。

法宮錫福溥庥嘉。

九重奎畫承。

心畫。五色牋華肇歲華。

在宥蒼黎咸衽席。

覃敷膏澤遍津涯。舒舒臘意催韶律。

寶墨春涵億萬家。臣戴衢亨。

拈香闌福還。

書福恪守。

前猷典允嘉。

錫向普天歡舞蹈。看成。

垂露燦光華。箕疇重衍欽。

皇極。

義畫新頌詠。

聖涯○

親政即今

開筆始去年

恩已逮臣家○臣周興岱○吉事迎年開臘朔○

奎文溯

典禮含嘉○

金壺挹潤羣雍被○

心畫傳源復旦華○福溢帝鴻徵墨海○春生義象兆津

涯自

天申錫昭滋至蟠際

仁施中外家臣趙秉冲闡福

鑾迴

敷萬福西南平定慶綏嘉升龍左右環

天藻

翥鳳回翔煥日華三祝受茲欽

累洽九疇嚮用正無涯止戈不復煩

籌筆春滿京垓共一家。臣黃鉞奉  
勅敬書。鈐印二。臣黃鉞。

引首

錫慶矢音款。臣董誥敬題。鈐印二。臣董誥。  
鑒藏寶璽。全五璽寶笈三編嘉慶御覽之寶。

曹夔音法諸家山水一冊

本幅金粟牋本。摺裝十二幅。皆縱七寸二分。橫九寸二分。各有楷書標題。一春山新霽。法董源筆。二層巒疊翠。法黃公望筆。三蒼山飛瀑。法關仝筆。四秋江漁隱。法李成筆。五山靜日長。法馬和之筆。六秋林亭子。法倪瓚筆。七攜琴訪友。法范寬筆。八夏山聳秀。法王蒙筆。九古木竹石。法沈周筆。十秋江晚渡。法惠崇

筆十。烟雲蕭寺。法米芾筆。十二羣峯積雪。  
法曹知白筆款。臣曹夔音恭製。各幅鈐印一。  
臣曹夔音。

高宗純皇帝御筆分題行書。

春中田盤六轡紆。千峯雨後翠模糊。倚窗竟日拈  
吟處。不意今朝入此圖。隱軫溟濛逼太行。山容  
霍霍樹蒼蒼。恍疑曉事黃公望。為我讀書開草堂。  
畫家誰不寫飛流。箇裏神筌未易酬。約畧指南



參活句聽如有響望如浮

蘆荻蕭蕭霜葉新闔

閣靜對水漣淪依然石室磻溪側復見當年蹠餌  
人佳話從來說鶴林岩居清事乞幽尋日長山  
靜人爭道誰識景綸太古心寒篠枯槎間幾株  
夕陰朝靄萬千殊無多邱壑有多趣妙處天然是  
老迂廉折和平理可觀高山流水感多端相逢  
底用班荆論便向松風深處彈山川繆結樹扶  
疎大似王家一筆書最愛濃青剛過雨白雲旋復

罨林閣 老榦榘榘怪石獐幾梢烟箐間而生抗  
懷擬謝柴桑老不與凡柯共向榮 坐待舟人不  
可招打頭楓葉落蕭蕭滄波阿那邊何處便是江  
南廿四橋 瀟湘煙雨舊稱奇尺幅偏能髣髴之  
秀發峯姿含潤漣招提結夏放叅時 卿家知白  
真知白慣與乾坤作粉裝那待置身圖畫裏望中  
已覺十分涼乾隆丁卯夏五御題

寶璽染翰比德朗潤德充符叢雲古香太璞幾暇怡  
情激觀會心不遠奉三無私天龍三昧中和乾隆  
宸翰

鑒藏寶璽

全五璽

寶笈三編

楊大章仿趙幹江行初雪圖 一軸

本幅紙本。縱四尺八寸。橫一尺六寸三分。設色畫滿江風雪。漁人集網。江潭橋上行旅。絡繹款。乾隆戊戌嘉平月奉

勅恭撫趙幹江行初雪圖筆意。畫院臣楊大章鈐印二大章。

高宗純皇帝御題行書。

長卷收為直幅呈。不拘其蹟得其情。是為善學柳

家法。豈許獨推趙氏精。漁者冰鮮盪舟取。客人肌粟渡橋生。分明拈出娑婆偈。受苦多因為利名。丙午新正月上漱。御題。鈐寶二。

古稀天子之寶。猶日孜孜。

軸內分鈐

寶璽

五福五代堂古稀天子寶。乾隆御覽之寶。八徵耄念之寶。

鑒藏寶函

全五

寶笈三編

雙鉤蘭亭敘 一冊

本幅紙本五對幅皆縱七寸二分橫四寸二分  
雙鉤蘭亭敘款小臣二格奉

勅敬鈎

高宗純皇帝御識

鈎摹古法也。昔人謂唐撫稷帖下真蹟一等。此冊  
為元人陸繼善鈎本。喜其筆法生動。因命內府工  
人仿之。神采宛然。不爽毫髮。昔褚河南米南宮書

法大家。故神妙獨到。今以工人而臻此。可謂精其  
能者矣。裝潢成頁。爰識數語於右。乾隆戊辰立秋  
前二日。御筆書於三希堂。鈐寶三。乾隆。幾暇臨池。

冊內分鈐

寶璽。乾隆御覽之寶。游六藝圃。稿藻為春。

鑒藏寶璽

全五璽

寶笈三編



欽定石渠寶笈三編

靜怡軒藏

高宗純皇帝御筆

書陶詩

一卷  
丙子

臨米芾書

一卷  
丁丑

節臨趙孟頫書急就章

一冊  
巳卯

節臨孫過庭書景福殿賦

一冊  
壬午

臨王羲之二帖

一冊  
以下

未題年月

臨王羲之三帖 一冊

臨米芾詩帖 一冊

畫梅花 一軸

仿米友仁山水 一軸

皇上御筆

節臨蘭亭帖 一冊  
已未

書王建宮詞 一冊  
庚申

得雨敬感 一冊  
庚申

書劉禹錫洞庭秋月詩

一冊  
辛酉

書李繼本喜雨賦

一卷  
辛酉

書柳永冬雪詞

一卷  
辛酉

書杜甫詩

一冊  
癸亥

列朝名人書畫

元黃公望畫溪山勝景

一冊

元盛懋勘書圖

一軸

本朝臣工書畫

慎郡王畫山水 一卷

慎郡王畫山水 一卷

慎郡王畫山水 一卷

成親王臨唐人書 一冊

張照臨麻姑仙壇記 一冊

張照臨王獻之帖 一卷

汪由敦書大寶箴 一冊

梁詩正書諸家詩話 一冊

張若靄書

高宗純皇帝御製喜雨賦並圖一卷

張若靄摹唐寅折枝牡丹一卷

趙秉冲書

御製河復六韻一卷

黃鉞畫喜起賡歌一卷

丁觀鵬伯牙撫琴圖一卷

丁觀鵬摹李公麟醉僧圖一卷

丁觀鵬畫爛柯仙蹟 一卷

徐揚瑞雪圖 一卷

方琮畫山水 一卷

摹刻法帖

明董其昌戲鴻堂墨刻 二冊

勵宗萬等書

高宗純皇帝御製盛京賦四體墨刻 四冊

緙絲書畫

緯絲九陽啓泰圖 一軸

高宗純皇帝御書陶詩一卷

本幅紙本縱三寸八分橫一尺八寸二分

御筆行書並識

藹藹堂前林。中夏貯清陰。凱風因時來。迴飈  
開我襟。息交游閒素。卧起弄書琴。園蔬有餘  
滋。舊穀猶儲今。營己良有極。過足非所欽。春  
秫作美酒。酒熟吾自斟。弱子戲我側。學語未  
成音。此事真復樂。聊用忘華簪。遙遙望白雲。



懷古一何深

陶詩丙子長夏御筆鈐寶一乾隆宸翰

引首

御書有味外味鈐寶一乾隆御筆

鑒藏寶璽寶笈三編石渠寶笈所藏

高宗純皇帝御臨米芾書 一卷

本幅紙本。縱二寸七分。橫一尺七寸。

御筆行書。並識。

右唐殷令名書頭陀寺碑。齊王簡棲所撰。錄於文選。令名之子仲容。官禮部郎。据法書要錄云。仲容。夾世工書。精妙曠古。令名嘗書濟度寺額。後代程式。父開山也。武德中。為尚書。故闕山字。而李氏諱不及淳。旦照基誦者。正。

在貞觀永徽間跋尾書惟則者集賢待制史  
惟則小印泐字即唐相晉國忠獻韓公所寶  
書也元祐戊辰集賢林舍人招為茗雪之游  
九月二日道吳門以王維畫古帝王易於龍  
圖閣待制俞獻可字昌言之孫彥文翌日與  
丹徒葛藻字季忱檢閱審定五日吳江艤舟  
垂虹亭題襄陽朱黻祕玩真蹟

乾隆丁丑嘉平朔日臨於養心殿之明窗御筆鈐

寶二得佳趣幾暇怡情

引首

御書興寄垂虹鈴寶二乾隆宸翰

太上皇帝

鑒藏寶璽寶笈三編石渠寶笈所藏

高宗純皇帝御筆節臨趙孟頫書急就章 一冊

本幅金粟牋本。相裝八幅。皆縱三寸一分。橫

六寸五分。

御筆章草書急就章。

起錦繡綬旄離雲爵訖。並識。

節臨趙孟頫書急就章。己卯春御筆。鈐寶二。乾隆。

冊內分鈐

寶璽

五福五代堂古稀天子寶。八徵耄念之寶。

太上皇帝之寶。

鑒藏寶璽寶笈三編石渠寶笈所藏。

高宗純皇帝御筆節臨景福殿賦 一冊

本幅紙本。摺裝十二幅。皆縱三寸五分。橫四寸四分。

御筆草書何晏景福殿賦

起於南則有承光前殿訖故淡泊而無所思文不錄

並識

節臨孫過庭書景福殿賦壬午長至月中瀚御筆  
鈐寶三。乾隆含經味道。

鑒藏寶璽寶笈三編石渠寶笈所藏

高宗純皇帝御臨王羲之二帖一冊

本幅蠟箋本。相裝四幅。皆縱一寸九分。橫三寸二分。

御筆草書。臨王羲之邛竹杖梅蜀二帖。帖文並識。

御臨鈐寶二。幾暇怡情得佳趣。

鑒藏寶璽寶笈三編石渠寶笈所藏。



高宗純皇帝御臨王羲之三帖

一冊

本幅蠟金箋本推蓬裝四幅皆縱三寸二分  
橫二寸七分

御筆草書臨王羲之邛竹杖五帝清暑三帖

帖文並  
不錄

識

御臨鈐寶一乾隆宸翰

鑒藏寶璽寶笈三編石渠寶笈所藏

高宗純皇帝御臨米芾詩帖 一冊

本幅蠟牋本。摺裝四幅。皆縱二寸三分。橫四寸六分。

御筆臨米芾詩帖並識

拜中岳命作雲水心常結。風塵面久盧。重尋釣鼇客。初入選仙圖。鼠雀真官耗。龍池與衆俱。却懷閑祿厚。不敢著潛夫。常貧須漫仕。閑祿是身榮。不託先生第。終成俗吏名。重緘

議法口。靜洗看山晴。夷惠中何有。圖書老此生。  
秋暑憇多景樓。縱目天容曠。披襟海共開。山光隨眎到。雲影度江來。世界漸雙足。生涯付一杯。橫風多景夢。應似穆王臺。

朱芾詩帖。御臨。鈴寶二。幾暇怡情。得佳趣。

鑒藏寶璽寶笈三編。石渠寶笈所藏。

高宗純皇帝御筆畫梅花一軸

本幅金葉牋本。縱五寸九分。橫四寸。

御筆墨畫梅花並題

花香聞不馱。色淑看非妖。弘德殿御筆。鈐寶二。比  
德朗潤。

軸內分鈐

寶璽八徵耄念之寶。

五福五代堂古稀天子寶。萬有同春。

鑒藏寶函寶笈三編石渠寶笈所藏

高宗純皇帝御筆仿米友仁山水

一軸

本幅紙本。縱一尺六分。橫五寸九分。

御筆墨畫雲山烟雨並識

偶仿小米墨戲於三希堂。鈐寶二。幾暇怡情得佳趣。

軸內分鈐

寶璽八徵耄念之寶。墨雲。

古希天子。

鑒藏寶璽寶笈三編石渠寶笈所藏

御筆節臨蘭亭帖 一冊

本幅紙本。摺裝八幅。皆縱二寸二分。橫四寸四分。

御筆行書節臨蘭亭帖。

起是日。並識也。至末。

蘭亭一則。己未仲夏。御臨。鈐寶一。澄觀。

鑒藏寶璽寶笈三編。石渠寶笈所藏。



御書王建宮詞 一冊

本幅紙本。摺裝四幅。皆縱一寸七分。橫三寸五分。

御筆楷書並識

玉蟬金掌三層插。翠髻高叢綠鬢虛。舞處春風吹落地。歸來別賜一頭梳。日高殿裏有香烟。萬歲聲來動九天。妃子院中初降誕。內人爭乞洗兒錢。舞來汗濕羅衣徹。樓上人

扶下玉梯歸到院中重洗面。金盆水裏撥紅泥。  
後宮宮女無多少。起得園中笑一團。舞蝶落花相  
看着。春風共語亦應難。

王建宮詞。庚申仲春御筆。鈐寶二。比德朗潤。

鑒藏寶璽寶笈三編。石渠寶笈所藏。

御筆得雨敬感 一冊

本幅紙本摺裝八幅皆縱六寸九分橫七寸  
八分

御筆楷書

得雨敬感 冬雪誠深渥屯膏春夏連籌農憫  
京邑赦罪籲

皇天麥已枯塵土禾將茁墾田祝融頻肆燄箕伯每  
乘權引咎咎逾重居憂憂倍繇懷民情實苦思

考痛常牽。

時若。皇考臨御六十餘年。念切民依。雨暘

猶孜孜不倦。予既慙繼述。尤殷哀慕也。

升配屈隆禮。

方壇展吉蠲。

位增

祇室右典備祭期先。

夏至。皇考神位。因先期歲詣。方壇大祀。升配。

皇

祇室行禮。恭謁。高宗純皇帝神。位於北天門外之黃幄。齋宿雍和宮。禱徧。

百神舉誠惟一意虔。

北郊布長養。

泰折宥尤愆。風定九霄上。雲生衆嶺巔。漸看林幕霧。  
不覺地凝煙。淅瀝初飄砌。霏微已濕軒。連宵滴  
簷竹。達曙沸階泉。酣暢敷畿甸。滋饒普陌阡。感  
恩彌敬止。荷

佑益淒然守。

訓時紬繹。平邪願轉旋。賊餘川陝楚。教異釋儒仙。銷  
刳事齊歲。洗兵捷速傳。豈予敢奢望。凜懼念仔

肩

皇考以神器簡授藐躬。寶屬投艱遺大。

况藝茲芳藻。五年未歲。夙夜凜懼。惟祈

慈佑。庶以靖民生。嘉慶五年。歲次庚申。五月二

日。御筆。鈐寶二。嘉慶御筆之寶。惟精惟一。

鑒藏寶璽寶笈三編。石渠寶笈所藏嘉慶御筆之

寶。夙聞詩禮凜心傳。

御書劉禹錫洞庭秋月詩一冊

本幅紙本。摺裝四幅。皆縱三寸。橫四寸四分。  
御筆楷書。

洞庭秋月生湖心。層波萬頃如鎔金。孤輪徐  
轉光不定。游氣濛濛隔寒鏡。是時白露三秋  
中。湖平月上天地空。岳陽樓頭暮角絕。蕩漾  
已過君山東。山城蒼蒼夜寂寂。水月逶迤繞  
城白。蕩槩已童歌竹枝。連檣估客吹羌笛。勢

高夜久陰力全。金氣肅肅開星躔。浮雲野馬  
歸四裔。遙望星斗當中天。天雞相呼曙霞出。  
劍影含光讓朝日。日出喧譁人不閒。夜來清

景非人間。

劉禹錫洞  
庭秋月

辛酉孟春月。御筆鈐寶二。嘉慶。

鑒藏寶璽寶笈三編。石渠寶笈所藏。



御書李繼本喜雨賦一卷

本幅紙本。縱四寸一分。橫九寸四分。

御筆楷書。並識。

喜雨賦。李繼本。是雨之既作也。噴洒空際。飛  
流海東。浪奔平臯之雲。河走長橋之虹。瀉天  
瓢於八極。散銀燭於千峯。迴生意於萬象。蘇  
渴望於三農。既而陰氣解駁。晴景沖融。雲浮  
浮其若練。山宛宛其猶龍。鳥嚶嚶其相樂。木

蒼蒼其成叢。平疇漲萬頃之綠。奇葩吐千林  
之紅。

辛酉孟春月下瀚。明窗御筆。鈐寶二。嘉慶  
鑒藏寶。璽寶。笈三編。石渠寶笈所藏。

御書柳永冬雪詞一卷

本幅紙本縱四寸一分橫九寸四分

御筆楷書並識

冬雪

調寄望遠行

柳永屯空降瑞寒風剪淅淅瑤

華初下亂飄僧舍密灑歌樓迤邐漸迷鴛瓦

好是漁人披得一蓑歸去江上晚來堪畫滿

長安高却旗亭酒價幽雅乘興最宜訪戴

泛小棹越溪瀟灑皓鶴奪鮮白鷗失素千里

廣鋪寒野。須信幽蘭吹斷。同雲收盡。別有瑤臺瓊榭。放一輪明月。交光清夜。

辛酉孟夏月下。澣對雪。御筆。鈐寶二。嘉慶。

鑒藏寶。爾寶笈三編。石渠寶笈所藏。

御書杜甫詩一冊

本幅仿金粟牋本。相裝四幅。皆縱五寸二分。橫五寸二分。

御筆楷書並識

禹廟空山裏。秋風落日斜。荒庭垂橘柚。古屋  
畫龍蛇。雲氣生虛壁。江聲走白沙。早知乘四  
載。疏鑿控三巴。禹廟萬里橋南宅。百花潭北莊。  
層軒皆面水。老樹飽經霜。雪嶺界天白。錦城

曛日黃。惜哉形勝地。回首一茫茫。

懷錦水久居止。

雨巫山暗。新晴錦繡文。碧知湖外草。紅見海

東雲。竟日鶯相和。摩霄鶴數羣。野花乾更落。

風處急紛紛。

晴返照斜初徹。浮雲薄未歸江。

虹明近飲峽。兩落餘飛鳬。雁終高去。熊羆覺

自肥。秋分客尚在。竹露夕微微。

晚晴。

蘭若山高

處。烟霞嶂幾重。凍泉依細石。晴雪落長松。問

法看詩妄。觀身向酒慵。未能割妻子。卜宅近

前峯

謁真諦寺禪師

鸚鵡含愁思。聰明憶別離。翠衿

渾短盡。紅觜漫多知。未有開籠日。空殘舊宿

枝。世人憐復損。何用羽毛奇。

鸚鵡

癸亥仲冬月上澣。養心殿御筆。鈐寶二。嘉慶御

筆。筆正心正。

鑒藏寶璽寶笈三編。石渠寶笈所藏。

元黃公望畫溪山勝景一冊

本幅繭紙本。摺裝八幅。皆縱一尺一寸三分。橫二尺六寸四分。設色畫。各有籤題。一春浦飛帆。款大癡。二晴巒翠靄。款大癡。為彥廉作。三蒼崖延磴。無款。四雲瀑垂紳。款大癡。五羣山蔚秀。款至元庚辰穀日。寫大癡。六仙巖九曲。款大癡。學人。七林壑澄觀。款壬午上巳日。作於彥廉清玩。大癡。八瑤峯積雪。款至正十



月二字去己丑十月廿又七日。大癡學人分鈴  
印黃子久氏。六重一峯道人。一重每幅王以銜楷

書分錄

御製詩

水榭環崖接碧穹。柳蹊直達梵王宮。浦光浩渺  
層波遠。樓影微茫危徑通。曲渚橋連半汀綠。疎  
林花綻幾枝紅。懷人天末心神往。雲外飛來  
葉蘂。

御題春浦飛帆幅

幅一

高秋山色最宜晴。仙苑景光

尺幅呈。翠滴遙天雲斷影。碧含極浦水無聲。平  
林遠嶠詩情淡。矮屋疎籬世味清。臨岸孤亭收  
勝概。心恬慮靜挹虛明。

御題晴巒翠靄

幅二

板橋跨渚接平皋。碧入層巖

徑愈高。峯峭轉看雲氣薄。波平不覺浪花滔。靈  
區迴與塵凡隔。佳境奚辭登陟勞。恍似天門策  
征騎。關山一覽見秋毫。

御題蒼崖延磴

幅三

天際飛泉雲外來。蒼崖直下

豁然開高懸。匹練輝林畔。低匯層波落澗隈。紫  
闕搖風散珠玉。銀河倒影瀉瓊瑰。披圖漫擬三  
千尺。選勝坐游眼界恢。

御題雲瀑垂紳

幅四

插霄萬笏互高低。縹碧縈青

徑欲迷。浮靄連林遮遠岫。虛嵐垂渚罨迴溪。柳  
汀潤綠鋪橋北。松塢含蒼度澗西。結構天成居  
大隱。名山寧許駐輪蹄。

御題羣山蔚秀

幅五

窈窕探尋境隔凡。紆迴九曲

蘊仙巖。羣岡旋轉危蹊綴。古洞幽深峭壁嵌。碧  
映坡陀漾雲霧。青含磴壑認松杉。由來求道須  
精進。勿廢前修憚峻巉。

御題仙巖九曲

幅六

岩壑籠青千百層。天空雲淡

景高澄。亭虛臨浦清波映。屋矮依山古黛凝。峯  
峭凌霞含巖秀。林疎循徑入峻嶒。半霄飛翠消  
形迹。真面都從筆底騰。

御題林壑澄觀

幅七

栗烈戒寒朔雪飄千山萬壑

積瓊瑤。雲飛六出花無葉。參朮雙歧玉有苗。琪  
萼迷溪漁艇隱。素蕤匝地酒帘招。大癡繪事誠  
清絕。粉本天然未易描。

御題瑤峯積雪

幅八

款。臣王以銜奉

勅敬書。鈐印二。臣王以銜敬書。

後幅題跋

余友黃子久之畫。愛其筆法超軼。綽徑縱橫。

所謂神奇之極矣。此冊而為彥廉所得。若是之富且尤耶。泉南陳君彥廉。好古博雅。與余同志。遂與予英子久往還。在戊寅間。余同子久避於蜀山累日。飲酒賦詩。陶寫而已。時見予久雨窗清落。興到出此冊。揮染數筆。乃至己丑之冬杪。始成。幘示余。余隨作飄然遠遊人。不為萬里山川之思。而猶自耿耿此冊。余之於予久可知。予久繪事潛心。磅礴雄肆。光

榮快人心目。此冊為予久生平之勝。與彥廉  
交好之情若此也。壬子正月五日。過東婁十  
日。復覽於耕學之讀書處。倪瓚題無印。畫  
於六書為象形。此冊如右軍蘭亭與換鵝道  
經。手到神來。筆落雲起。即右軍子久生平所  
不能自必。當是精神偶聚。忽焉得此。未易與  
不了人說也。予久生於海虞。隱於雲間。故與  
楊廉夫袁子英倪元鎮張真居諸名公文酒

往來此冊遺於鹽官陳彥廉者尤為精妙而  
不易得。蓋嘗聞其為人。詆諆如曼倩。癡絕如  
虎頭。而尤高尚其志。不事王侯。故其揮灑皆  
逸氣所發。自成一家。不與畫工爭畦徑。校妍  
拙者。固宜多愛之。觀其萬壑千林。人煙墟落。  
隱然於煙雲縹渺之間。各極精緻。真所謂造  
詣入神。覽者可一洗眼界耳。正統元年。端陽  
後二日。西谿陳燿書。鈐印三。陳燿之印。德先



父游人間世

鑒藏寶璽

五璽全

寶笈三編

收傳印記誠齋審定真跡七重儀周珍玩八重陳

寅之印六重富春董氏收藏書畫記七重寶勤堂

書畫記八重沈氏純甫家藏清玩六重軍司馬印

謹案陳寶生字彥康泉州人攷見續編跋中所稱子英乃袁華字真居當作貞居張雨自號也

元盛懋勘書圖 一軸

本幅絹本。縱一尺七寸。橫八寸八分。設色畫。茅屋中一人。幅巾手卷。童子侍後。旁設几陳筆硯。一垂髻者。憑几展卷。相對俱席地坐。架上卷軸排列。屋簷施幔。屋後林木蔚翳。峯石峻嶒。無款印。

鑒藏寶璽

全五璽

寶笈三編

慎郡王畫山水 一卷

本幅紙本。縱六寸三分。橫五尺九寸二分。設色畫秋山紅樹寒渚扁舟。高士林亭。幽尋覓伴。款。臣允禧恭畫。鈐印二。允禧繪事。

鑒藏寶璽

全五璽寶笈三編

慎郡王畫山水一卷

本幅紙本。縱五寸三分。橫四尺四寸。設色畫。溪山重疊。雲樹迷離。款。臣允禧恭畫。鈐印二。允禧繪事。

鑒藏寶璽

全五璽

寶笈三編

慎郡王畫山水 一卷

本幅紙本。縱六寸五分。橫一尺七寸二分。設  
色畫。層巖複嶺。曲水橫橋。蕭寺穹崇。麥畦秀  
潤。自題。春山靄靄。露瀼瀼。林木含滋。碧草香  
雲影弄晴。披釣渚。煙光飛翠。入茆堂。閒過僧  
寺。譚禪悅。偶訪隣翁。話日長。鼓腹自歡。耕鑿  
便。北窗一枕。傲羲皇。臣允禧奉

聖勅恭畫并題鈐印二臣禧

高宗純皇帝御題怡神樂志鈐寶一乾隆宸翰

鑒藏寶璽

五璽全

寶笈三編

成親王臨唐人書一冊

本幅金粟牋本。三對幅。皆縱五寸五分。橫二寸六分。行楷書。公權狀白。至十六日專到崇賢。惟昭察謹狀。十六日公權狀。孫權與介象論膾。象以鰠魚為上。權曰。此出海中。安可得。象乃庭中作塲。置水。投以釣餌。不經食。得鰠魚。付厨。孟冬漸寒。伏惟尊體起居萬福。仁傑即蒙恩。不審近日寢膳。何似。違間將及

半年每縈仍繫曾無一札惶悚之外攀戀實  
深人使遠來緘翰猥至披捧欣佩交集下懷  
未期高會企望增深款臣永理敬臨鈴印  
二臣永理

臨金藏寶璽

全五璽

寶笈三編



張照臨麻姑仙壇記 一冊

本幅宣德牋本十六對幅皆縱一寸七分橫

九分楷書麻姑山仙壇記帖文不錄自題魯公書

以行書為最楷次之今碑刻所傳中興家廟

東方贊皆兼分隸之法於二王獨為敵國此

麻姑壇記即家廟碑縮為蠅頭自成一家前

後際獻公本色書也款張照臨并題鈐印一

照

冊內分鈐

高宗純皇帝寶璽乾隆御覽之寶一重乾清宮鑑藏寶

內府珍秘

鑒藏寶璽

五璽全

寶笈三編

張照臨王獻之帖一卷

本幅紙本。縱五寸。橫八尺八寸。臨王獻之帖。  
凡十。新婦服地黃湯來似減。眠食尚未佳。憂  
懸不去心。君等前所論事。想必及謝生未還。  
聞爾進退不可解。吾當書問也。鴨頭丸故  
不佳。明當畢集。當與君相見。不審阿姨所  
患得差否。極令懸惻。想東陽諸妹。當復平安。  
不審頃者情事漸差耶。彼郡今載甚不能佳。

不知早晚至。當遂至郡。深想望。豹奴此月  
唯省一書。亦不足慰懷。深悉足下情素耳。  
鄱陽書停諸舍。便有月未具。散騎書知情至。  
草草未發遣。奉去月問。承婦等復不能差。深  
憂慮耳。獻之白。不審疾得損未。極憂及更  
能出入未。前書云。至於散情。婢疾苦療。得所  
深喜慰。想必為問。敬和晚際。似差耶。獻之  
白。極熱。敬惟府君此月內。得書來時。幾得問。

希此消息。極悶悶。軍中復如何。服油得力。  
更能停嗽麪。只五六日停也。不至絕艱辛也。  
足下明當必果。想即日如何。深想憶。近奉  
阿姑告知平安。極慰人意。獻之遂不堪暑氣。  
力恒憊。恐是惡風。大都將息。近似小却。白。  
承舍內分違。近豫遂就。難以喻痛濟理。獻之  
白。東家尚未欲下。李參軍無政。日有此議。  
能自來此。方寸無使聞上。獻之頓首。款石。

川學兄正之。張照鈐印三。法華盒。張照印得  
天。

引首

墨花硯雨。無款。鈐印三。東軒高斌視齋使者。

鑒藏寶璽

五璽全

寶笈三編

汪由敦書大寶箴 一冊

本幅金粟牋本。七對幅。皆縱二寸八分。橫二寸。篆書。大寶箴。張蘊古己見緒編款。乾隆戊辰仲秋之月。臣汪由敦敬書。鈐印二。臣由敦解人間書。

鑒藏寶璽 全五冊 寶笈三編

梁詩正書諸家詩話 一冊

本幅紙本。摺裝八幅。皆縱五寸七分。橫六寸一分。行書。石林詩話云。詩下雙字。極難。須是七言五言之間。除去五字三字外。精神興致。全見於兩言。方為工妙。唐人記水田飛白鷺。夏木轉黃鸝。為李嘉祐詩。摩詰竊取之。非也。此兩句好處。正在添漠漠陰陰四字。此乃摩詰為嘉祐點化。以自見其妙。如李光弼將子。



儀軍一號令精彩數倍。不然嘉祐本句。但是  
詠景耳。人皆可到。要之當令如老杜無邊落  
木蕭蕭下。不盡長江衮衮來。與江天漠漠鳥  
飛去。風雨時時龍一吟等。乃為超絕。近世王  
荊公新霜浦漱絲絲白。薄晚林巒往往青。與  
蘇子瞻浥浥鑪香初泛夜。離離花影欲搖春。  
此可以追配前作也。雪浪齋日記云。古人  
下連絲字不虛發。如老杜野日荒荒白。江流

泯泯青退之云月吐窗間間皆造微入妙  
石林詩話云讀古人詩多意有所喜處誦憶  
之久往往不覺用為己語綠陰生畫寂孤花  
表餘春此韋蘇州集為警策語而荆公詩乃  
有綠陰生畫寂幽草弄秋妍之句大抵荆公  
閱唐人詩多觀百家詩選可知也如蘇子瞻  
山園故國城空在潮打西陵意未平此非誤  
用直取舊句縱橫役使知彼我為辯耳  
蔡

寬夫詩話云。王摩詰韋蘇州集。載裴迪邱丹  
倡和詩。其語皆清麗高勝。常恨不多見。如迪  
安禪一室內。左右一亭幽。有法知不染。無言  
誰敢酬。鳥飛爭向夕。蟬噪意先秋。煩暑自茲  
退。清涼何處求。如丹賣藥有時至。自知來往  
疎。遽辭池上酌。新得山中書。步出芙蓉府。歸  
乘轂觶車。猥蒙招隱作。豈媿班生廬。其氣格  
殆不減二人。非唐中葉以來。嚶嚶以詩鳴者。

可比。乃知古今文士。堙滅不得傳於後者。不可勝數。然士各言其志。其隱晦何足多較。觀兩詩趣尚。其胸中殆非汲汲於世者。正爾無聞。亦何所恨。其姓名偶見二人集。亦未必不為幸也。西清詩話云。三吳僧義海。以琴名世。六一居士嘗問東坡琴詩孰優。東坡答以退之聽穎師琴。公曰。此祇是聽琵琶耳。或以問海。海曰。歐陽公一代英偉。然斯語誤矣。昵

昵兒女語。恩怨相爾汝。言輕柔細屑。真情出見也。劃然變軒昂。勇士赴敵場。精神餘溢。竦觀聽也。浮雲柳絮無根蒂。天地濶遠隨飛揚。縱橫變態。浩乎不失自然也。喧啾百鳥羣。忽見孤鳳皇。又見穎孤絕。不同流俗下里聲也。躋攀分寸不可上。失勢一落千丈強。起伏抑揚。不主故常也。皆指下絲聲妙處。惟琴為然。琵琶格上聲。鳥能爾耶。退之深得其趣。未易

譏評也。東坡後有聽惟賢琴詩云：大絃春溫  
和，且平。小絃廉折亮，以清。平生未識宮與角，  
但聞牛鳴盎中雉登木。門前剝啄誰扣門，山  
僧未閑君莫嗔。歸家且覓千斛水，洗盡從來  
箏笛耳。詩成欲寄歐公而未及。每以為恨。客  
復以問海。海曰：東坡詞氣倒山傾海，然亦未  
知琴。春溫和，且平。廉折亮，以清。絲聲皆然。何  
獨琴也。又特言大小絃聲不及指下之韻。牛

鳴。盡。中。雉。登。木。概。言。宮。角。耳。八。音。宮。角。皆。然。  
何。獨。絲。也。聞。者。以。海。為。知。言。蔡。寬。夫。詩。話。  
云。前。史。稱。王。筠。善。押。強。韻。固。是。詩。家。要。處。然。  
人。貪。於。捉。對。用。事。者。往。往。多。有。趁。韻。之。失。退。  
之。筆。力。雄。贍。務。以。詞。采。憑。陵。一。時。故。間。亦。不。  
免。此。患。如。和。席。八。絳。閣。銀。河。曉。東。風。右。掖。春。  
詩。終。篇。皆。敘。西。垣。事。然。其。一。聯。云。傍。砌。看。紅。  
藥。巡。池。咏。白。蘋。事。除。柳。惲。外。別。無。出。處。若。是。

用此則於前後無干詩意。且趁蘋字韻而已。  
然則人亦有事非當用。而鑪錘驅使若出自  
然者。杜子美收京詩。以櫻桃對杖杜。薦櫻桃  
事初若不類。及其云。賞因歌杖杜。歸及薦櫻  
桃。則渾然天成。畧不見牽強之迹。如此乃為  
工耳。唐子西語錄云。退之作古詩。往往有  
故避屬對者。淮之水舒舒。楚山直叢叢。是也。

右諸家詩話七條。乾隆庚辰夏。臣梁詩正



敬錄鈐印二臣詩正

鑒藏寶璽

全五璽

寶笈三編

張若靄書

高宗純皇帝御製喜雨賦並圖一卷

本幅書畫二幅。畫幅絹本。縱二寸。橫一尺二寸八分。設色畫。時雨初霽。青疇透潤。書幅紙本。縱二寸三分。橫九寸一分。楷書。

御製喜雨賦

客有駕輶軒乘雲輅。展軫乎南畝。縱轡於東郊。遨遊容與。徘徊逍遙。爾乃白雲起乎空谷。甘霖降於

崇朝震雷燿燿。飛電熒熒。乃往田舍而息焉。有二  
三老人逡巡而前曰。斯雨之降。時則時矣。膏澤之  
濡。普而施矣。抑誰之功乎。請吾子明言以告之。客  
奮袂而起曰。猗歟休哉。盛世之民也。飲其德而不  
知其力。坐。吾明語子。方今龍飛九五。聖人在位。德  
配乾坤。功參天地。精誠通於神明。政教化乎萬類。  
故上天眷命。俾雨暘時若。而萬方以治。乃致含哺  
鼓腹。耕田鑿井者。實不知帝力之賜也。老人曰。聖

人之德。某既知之矣。請吾子賦雨之澤及蒼生者。  
可乎。客曰。若夫金烏收景。層陰蔽空。雷殷殷以震。  
響。電灼灼以搖紅。鼓河伯之驚濤。涌海若之幽宮。  
瀉天池之巨浸。走萬里之長虹。遠迷三島。近失千  
峯。迴生意於衆卉。消渴望於三農。此則雨之方作。  
而其勢最雄也。乃其雲開雨止。霽景澄鮮。山宛宛  
其染翠。木蓊蓊其逞妍。鳥嚶嚶其鳴樹。草芊芊其  
含烟。柳暗歸鴉。檐喧乾鵲。槐影濃兮庭宇清。花陰

轉兮簾櫳薄。纖歌動兮高樓。紅袖飄兮綺閣。絳帙  
開兮芸編。博山焚兮繡幕。莫不欣膏澤之滂澍。喜  
溜聲之頻落。此又雨之既足而萬方共樂者也。至  
若烏犍耕白水之涯。黔黎藝綠野之畝。白叟歡呼。  
黃童奔走。土脈既滋兮禾麥如雲。灌溉不勞兮田  
疇以阜。爾倉爾京。爾荷爾負。此又二三子所終日  
服事而知利我之孔厚也。於是老人倚杖而歌曰。  
雨玉不可食兮。曷若嘉苗滿目屯黃雲。雨金不可

衣兮曷若五風十雨利耕耘惟天降康兮稽首蒼  
旻惟皇感天兮永春日勤千秋萬歲兮樂吾之君  
款臣若霽敬書鈐印二臣霽

軸內分鈐

寶璽乾隆御覽之寶乾隆御賞幾暇鑒賞之璽養心  
殿鑒藏寶

鑒藏寶璽

全五璽

寶笈三編

張若靄摹唐寅折枝牡丹一卷

本幅紙本。縱八寸二分。橫一尺五寸二分。墨  
畫折枝牡丹。自題。沉香亭子。暗如煙。濃艷晴  
薰。水墨天。識得黑牛顏色好。胭脂不值半文  
錢。唐寅折枝牡丹小品。臣張若靄敬撫本。并  
題。鈐印三。臣靄餘事小三昧。

高宗純皇帝御題。艷芳別致。鈐寶一。乾隆宸翰。

鑒藏寶璽

全五璽

寶笈三編

趙秉冲書

御製河復六韻 一卷

本幅蠟金牋本。縱一尺九分。橫一尺四寸六分。楷書。

御製河復六韻

永定驚奇變。憂心四月同。欣聞大河復。敬感

昊恩隆。重築新隄固。全消舊漲融。去沙流自暢。涸潦

路能通。



神佑抒誠謝。臣勞沛澤充。安瀾願悠久。紀事惕予

衷。

今歲夏秋之交。雨霖河決。日夜屋懷。茲據那彥寶等奏報。北上頭工。於十月初三日丑時。

合龍。

全河復歸故道。永慶安瀾。仰荷昊恩。神佑實為盛輔。羣黎慶慰也。嘉慶六

年辛酉孟冬月上澣御製鈐寶二嘉慶

後幅臣工恭和

送喜盧溝復歡騰中外同辦香

申報恪尺

詔敘勤隆捷石虹連亘迴瀾雪濺融三秋灑澹速

千里別鬟通。雁戶新歌集。鱗塍晚穫充。嘉名符凱奏。益慰

旰宵衷。臣董誥恭和。鈐印二臣。董誥。暑雨百川。灌漉。滹沱永定同。

旰宵咨浩浩。鼙鼓趣隆隆。隄報丑更合。序交冬肫。融不須沈馬祝。即見蟄龍通。仰驗

天心順。仍籌民食充。歡臚呼

萬歲。介景愜

皇東。臣朱珪恭和鈴印二臣珪。歸壑三冬始如

川

萬福同。沙開鱗浪活。隄鞏蟻封隆。水逐清霜涸。溝  
流曉月融。受時津入海。退去潞連通。土宅農  
功動。兵銷喜氣充。胥躋

仁壽宇。

天意合

淵衷。臣彭元瑞恭和鈴印二臣瑞。歲績桑乾順。

時咨瓠子同濬淤行迹。邇築石起崇隆。就軌全流。  
復。騰章喜氣融。

綸褒新渥降。香格

至誠通。井里從茲慶。困廛庶漸充。小春佳信遞。凱  
捷慰

宸衷。臣戴衢亨恭和鈐印。二。臣戴衢亨恭和。河  
復晨馳奏。時當節紀同。百祥孚。

聖壽萬福名

穹隆鞏固資經久。安恬慶有融成功。從

指授順軌既深通。墮戶民居輯。開春穡事充。九圍  
胥樂土。綏屢慰。

宸衷。臣趙秉冲恭和鈐印。二臣趙秉冲載筆。飛  
章河道復永定。萬年同居莫民勞。息誠孚。

帝念隆建瓴流浩瀚。順軌靜冲融。閱夏

疇咨切。先冬畧刻通。洪惟

神佑助。共仰

德符充嵩

祝還川效

搞毫愜

聖衷。臣黃鉞恭和鈐印二。臣黃鉞  
勅敬書。鈐印二。臣趙秉冲敬事。

臣趙秉冲奉

引首

敘歌底績。鈐寶一。所寶惟賢。

鑒藏寶璽

全五璽

寶笈三編

黃鉞畫喜起廢歌一卷

本幅紙本。縱一尺一寸一分。橫三尺四寸二分。設色畫桃花楊柳喜鵲倉鷗。自題喜起廢歌。隸書款。臣黃鉞恭畫。鈐印二。臣黃鉞。

鑒藏寶璽

五璽全

寶笈三編

丁觀鵬伯牙撫琴圖 一卷

本幅紙本。縱七寸二分。橫一尺三寸六分。設色畫穹巖碧樹。明月銀濤。伯牙坐舟中撫琴。童子蹲坐方睡。一樵者據磐石傾聽。款。臣丁觀鵬恭繪。鈐印二。臣觀鵬恭畫。

高宗純皇帝御題。高山流水。鈐寶一。乾隆宸翰。

鑒藏寶璽

全五璽

寶笈三編



丁觀鵬摹李公麟醉僧圖 一卷

本幅紙本。縱八寸。橫一尺六寸。白描松下一僧踞石捉筆疾書。童子展卷於前。二人挈酒罍方至。款臣丁觀鵬恭摹李公麟筆意。鈐印二。臣觀鵬恭畫。

高宗純皇帝御題醉僧圖鈐寶一。乾隆宸翰。

鑒藏寶璽

全五璽

寶笈三編

丁觀鵬畫爛柯仙蹟一卷

本幅紙本。縱七寸五分。橫一尺七寸。設色畫。  
松陰下二仙對奕。一樵夫立而旁觀。款。臣丁  
觀鵬恭繪。鈐印二。臣觀鵬恭畫。

高宗純皇帝御題。爛柯仙蹟。鈐寶一。乾隆宸翰。

鑒藏寶璽

全五璽

寶笈三編

徐揚瑞雪圖一卷

本幅絹本。縱七寸四分。橫四尺一寸三分。設色畫江山瑞雪。無款印。

後幅自題。

運轉鴻鈞六合周。更飄瑞葉歲徵休。濃陰點  
襯峯巒潔。清氣滋和雲水幽。萬頃浩然容尺  
素。一江蕩漾寄扁舟。題詩何事頻呼凍。筆底  
驚隨造化收。癸酉元旦立春二日得雪徵應。

江山之瑞恭擬繪圖并題

鑒藏寶璽

全五璽

寶笈三編

方琮畫山水一卷

本幅紙本。縱八寸四分。橫四尺八寸五分。淺設色。畫柳坪茆舍。松壑琳宮。水漱平橋。雲藏修竹。款。臣方琮恭畫。鈐印二方。琮。

鑒藏寶璽

全五璽

寶笈三編

明董其昌戲鴻堂墨刻 二冊

本幅墨搨本。摺裝二冊。上冊十五幅。一百十五行。下冊十四幅。九十九行。皆縱三寸六分。橫四寸。墨搨董其昌小楷行草各種書。

題籤

董文敏墨刻

書隸

鈐印一

最上

面

戲鴻堂小

刻鈐印一

神品

上下冊面同

冊內分鈐

高宗純皇帝寶璽乾隆御覽之寶三重乾隆御賞重華

宮鑑藏寶幾暇鑒賞之璽

鑒藏寶璽五璽全寶笈三編

收傳印記陽春子三重真賞鼎式祕玩一重奇珍

一重華隱一重

勵宗萬等書

高宗純皇帝御製盛京賦四體墨刻

四冊

本幅墨搨本。摺裝四冊。前二冊俱二十五幅。後二冊俱二十六幅。皆縱二寸三分。橫二寸八分。四體書。

御製盛京賦

有序  
見續編

俱第一冊。楷書款。臣勵宗萬敬

書。第二冊。草書款。臣梁詩正敬書。第三冊。隸

書款。臣張若靄敬書。第四冊。篆書款。臣汪由



敦敬書。

鑒藏寶璽

全

五

寶笈三編

緙絲九陽啟泰圖一軸

本幅縱六尺五寸六分。橫三尺四寸七分。緙絲繡線松竹梅嬰兒三羊九

軸內分鈴

高宗純皇帝寶璽

五福五代堂古稀天子寶。乾隆御覽之寶。乾隆鑑賞。

鑒藏寶璽

全五璽

寶笈三編